



NG-02-119-2105
Մայիսի 4, 2021թ.
Հայաստան, ք. Երևան

Գեղարքունիքի մարզպետ Գնել Սանոսյանին

Հարգելի պարոն Սանոսյան,

2021թ.-ի մայիսի 26-27-ը «Նոր Սերունդ» Մարդասիրական ՀԿ-ն նախատեսում է անցկացնել 2-օրյա դասընթաց ՀՀ Երևան քաղաքի և մարզերի ներգատաբանների և թերապևտների մասնակցությամբ:

Հանդիպմանը քննարկվելու են հետևյալ թեմաները՝

- «Գենդեր, գենդերային ինքնություն, գենդերային անհարմարվողականություն»,
- «ԱՀԿ Հիվանդությունների միջազգային դասակարգման 11-րդ թարմացումը (ՀՄԴ-11)»,
- «Ներպետական և միջազգային օրենսդրությունը և բացերը ՀՄԴ-11-ի համատեքստում»:

2-օրյա դասընթացն իրականացվելու է Երևանից դուրս հյուրանոցային համալիրներից մեկում՝ խստորեն պահպանելով նոր կորոնավիրուսային համավարակի տարածման կանխարգելմանն ուղղված ՀՀ կառավարության, Պարետատան և Առողջապահության նախարարության, ինչպես նաև Առողջապահության համաշխարհային կազմակերպության կողմից սահմանված ցուցումները և որոշումները:

Աշխատանքային հանդիպման լեզուն հայերենն է:

Բուժաշխատողների մասնակցությունը ապահովվելու համար նամակ էր ուղարկվել ՀՀ առողջապահության նախարարություն, որին ի պատասխան ստացել էինք առաջարկություն դիմել Երևանի քաղաքապետարան և ՀՀ մարզպետարաններ՝ նշելով անհրաժեշտ մասնակիցների քանակը (ՀՀ առողջապահության նախարարության պատասխանը կցված է նամակին): Սույնով խնդրում ենք Ձեր աջակցությունը վերոնշյալ դասընթացին բուժաշխատողների մասնակցությունը ապահովելու հարցում:

Խնդրում ենք հանձնարարել havetisyan.ngngo@gmail.com էլ-հասցեին ուղարկել Գեղարքունիքի մարզի 2 համապատասխան բուժաշխատողների տվյալները՝ Անուն, ազգանուն, բուժաստատություն, հեռախոսահամար և էլեկտրոնային հասցե, հնարավորության դեպքում մինչև 2021թ.-ի մայիսի 15-ը:



Կազմակերպությունը հոգում է հանդիպման մասնակիցների տեղափոխության, կեցության և սնունդի ծախսերը: Դասընթացի իրականացման վայրի մասին տեղեկությունը կուղարկվի մասնակցությունը հաստատած մասնակիցներին:

Կանխավ շնորհակալություն ենք հայտնում համագործակցության համար:

Խնդրում ենք սույն գրությանը պատասխանել գրավոր՝ օրենքով սահմանված կարգով և ժամկետներում:

Հարգանքով՝

ՀԿ նախագահ

Սերգեյ ԳԱԲՐԻԵԼՅԱՆ

Կատարող՝ Հմայակ Ավետիսյան

+374 60 478989



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՌՈՂՋԱՊԱՀՈՒԹՅԱՆ ՆԱԽԱՐԱՐՈՒԹՅՈՒՆ

№ _____
Ձեր N _____

«ՆՈՐ ՍԵՐՈՒՆԴ» ՄԱՐԴԱՍԻՐԱԿԱՆ ՀԿ
ՆԱԽԱԳԱՀ ՍԵՐԳԵՅ ԳԱԲՐԻԵԼՅԱՆԻՆ

Հարգելի պարոն Գաբրիելյան,

Ի պատասխան սույն թվականի ապրիլի 26-ի թիվ NG-02-110-2104 Ձեր գրությանը՝ հայտնում եմ, որ «Տրանս քարտեզը ԱԵԿԱ-ում» ծրագրի շրջանակներում անցկացվելիք երկօրյա դասընթացի մասնակիցների թեկնածություններ ստանալու համար անհրաժեշտ է դիմել Երևանի քաղաքապետարան և ՀՀ մարզպետարաններ՝ նշելով Երևան քաղաքից և յուրաքանչյուր մարզից անհրաժեշտ մասնակիցների թիվը:

ԳԼԽԱՎՈՐ ՔԱՐՏՈՒՂԱՐԻ
ՏԵՂԱԿԱԼ՝

ՎԱՀԵ ՀԱԿՈՒԲՅԱՆ

Կատարող՝ ԳՀ ԾՀԽ
Ա. Բերեգովսկայա
Հեռ.՝ 060 808003 / 2702

